

# Lia Rumantscha

---

La Lia Rumantscha (LR)  
s'engascha per la  
promoziun ed il  
mantegnimient da la  
lingua e da la cultura  
rumantscha.



Ella promova ils idioms  
ed elavura e derasa il  
rumantsch grischun.  
Ella planisescha e  
realisescha projects  
a favur da la lingua  
discurrida e scritta.

## » Svilup e tgira da la lingua

La LR dispona d'in agen servetsch linguistic ch'è responsabel per ina planisaziun linguistica moderna ed elavura ovras fundamentalas sco vocabularis, grammaticas, software linguistica e.u.v., necessaris per il svilup ed il mantegniment da la lingua.

## » Translaziuns

La LR ha in servetsch da translaziun ch'è vegnì engrondì considerablmain ils davos onns pervi da la gronda dumonda.



## » Infurmaziun e cussegliaziun

La LR cusseglia personas u organisaziuns che tschertgan infurmaziuns davart la lingua rumantscha.

## » Furmaziun e scolaziun

Quest servetsch sa concentrescha surtut sin la furmaziun da creschids ed il sustegn e la cussegliaziun da projects da scola linguistics, sco era sin l'elavuraziun da meds e materialias d'instrucziun. El organisescha era curs da lingua.

## » Promoziun da la lingua e da la cultura en las regiuns



La LR maina trais centers da cumpetenzza regiunals. Quels s'occupan da l'animaziun culturala e da lavurs da planisaziun e coordinaziun per promover las varietads regionalas ed il rumantsch grischun.

La lavur e la preschientscha en las regiuns vegn actualmain augmentada.

## » Lavur da giuventetgna

La LR promova e sustegna las pli differentas furmas da la lavur da giuventetgna rumantscha, en spezial fa ella quai sur l'organisaziun da la giuventetgna rumantscha „GiuRu“.



La LR sustegna era la gasetta giuvna mensila „PUNTS“.

$$E=mc^2$$

## » Scolina

A la sedia principala a Cuira maina la LR ina scolina rumantscha cun duas classas.

Questa scolina prepara tranter auter era ils uffants per las classas rumantsch-tudestgas da la scola bilingua a Cuira.



## Secretariat

## » Secretariat

Il secretariat procura per la gestiun, l'administraziun e la contabilitad.

El maina e coordinescha las activitads dals servetschs interns ed externs.





## » Ediziuns

La LR producescha e venda en sia libreria a Cuir ed en ils centers regionals ina gronda quantad da cudeschs, purtaders da tun e da datas rumantschs.


Ella sustegna dentant era ovras rumantschas d'auters editurs.

Visitai nossa libreria online:  
[www.liarumantscha.ch](http://www.liarumantscha.ch) → vendita

» Adressa

 Lia Rumantscha

Via da la Plessur 47  
Chascha postala  
CH-7001 Cuira  
Telefon +41 81 258 32 22  
Telefax +41 81 258 32 23  
liarumantscha@rumantsch.ch  
www.liarumantscha.ch



Infurmaziuns detagliadas  
davart il rumantsch:  
Rumantsch - Facts & Figures  
LR 2004  
www.liarumantscha.ch